

KULTURNA DRUŠTVA I DRUGE INSTITUCIJE ZA 2024

Na osnovu članka 56. Zakona o organizaciji organa uprave u Federaciji Bosne i Hercegovine („Službene novine Federacije BiH”, broj: 35/05), a sukladno s Odlukom o usvajanju Programa utroška sredstava sa kriterijima raspodjele sredstava tekućih transfera utvrđenih Proračunom/Budžetom Federacije Bosne i Hercegovine za 2024. godinu Federalnom ministarstvu kulture i športa („Službene novine Federacije BiH”, broj:49/24), federalna ministrica kulture i sporta objavljuje

JAVNI POZIV

za odabir projekata koji će se sufinancirati iz Proračuna Federacije Bosne i Hercegovine u 2024. godini

Sredstva za sufinansiranje projekata dodjeljivat će se sukladno Odluci o usvajanju Programa utroška sredstava i kriterijima raspodjele sredstava tekućih transfera utvrđenih Proračunom Federacije Bosne i Hercegovine za 2024. godinu Federalnom ministarstvu kulture i športa.

KULTURNA DRUŠTVA I DRUGE INSTITUCIJE

Ukupan iznos raspoloživih sredstava: 1.200.000,00 KM

I Odabir će se vršiti za sljedeću namjenu:

1. Projekti nacionalnih zajednica kulture/matica, raspoloživa sredstva
1.200.000,00 KM

Sredstva će se dodjeljivati u rasponu od 60.000,00 KM do 540.000,00 KM

II Pravo podnošenja prijava

Pravo podnošenja prijava na ovaj Javni poziv imaju krovne nacionalne zajednice kulture/matice koje čuvaju kulturu i kulturno-povijesno naslijeđe naroda u Bosni i Hercegovini, kojima se dodjeljuje finansijska potpora za projekte i održavanje kontinuiteta rada u 2024.godini

Korisnici sredstava Federalnog ministarstva kulture i športa koji nisu realizirali obveze iz ugovora o dodjeli sredstava iz prethodne godine nemaju pravo aplicirati na Javni poziv za 2024. godinu.

III Opći i posebni kriteriji za raspodjelu sredstava tekućeg transfera

Opći kriteriji za raspodjelu sredstava tekućeg transfera

1. Broj kalendarskih godina poslovanja aplikanta;
2. Udjel osiguranih sredstava u financiranju predmetnog projekta;
3. Osigurana vidljivost realizacije projekta s kojim se aplicira (web portali, medijski natpisi, društvene platforme i dr).

Posebni kriteriji za raspodjelu sredstava tekućeg transfera

1. Doprinosa projekta čuvanju kulture i kulturne baštine nacionalnih kulturnih zajednica (ostvareni i predviđeni društveni učinci, kvalitativno i kvantitativno mjerljivo prikazano, detaljno obrazloženje potrebe za realiziranjem projekta);
2. Geografska zastupljenost sudionika u projektu aplikanta;
3. Suradnja s drugim sličnim društvima i institucijama u BiH.

IV Dokumentacija

Obvezna dokumentacija

1. Prijavni obrazac, elektronski popunjen, potpisan i ovjeren pečatom pravne osobe(original);
2. Uvjerenje o poreznoj registraciji – identifikacijski broj (preslik);
3. Rješenje o razvrstavanju – Klasifikacija djelatnosti (preslik);
4. Uvjerenje porezne uprave o izmirenim poreskim obvezama aplikanta, ne starije od šest mjeseci do dana objave Javnog poziva (original ili ovjeren preslik);
5. Aktualni izvod iz sudskog registra u kome je aplikant registriran, ne stariji od šest mjeseci do dana objave Javnog poziva (original ili ovjeren preslik);
6. Potvrda banke u kojoj je navedeno da račun nije blokiran iz koje se vidi broj transakcijskog računa i ID broj korisnika, ne starija od tri mjeseca do dana objave Javnog poziva (original ili ovjeren preslik);
7. Detaljan opis projekta (Opis projekta treba sadržavati: detaljno obrazloženje potrebe za realiziranje projekta, akcijski plan sa preciznim datumima svih aktivnosti, ciljeve, ostvarene i predviđene društvene učinke – kvantitativno i kvalitativno mjerljivo prikazano, jasno definiran rezultat projekta, izravnu povezanost predloženog projekta s prethodnim aktivnostima aplikanta, precizno definirane i obrazložene ciljne skupine i dr)
8. Bilans stanja i bilans uspjeha ili račun prihoda i rashoda za 2023. godinu, sa vidljivim pečatom Financijsko informatičke agencije (FIA). Subjekti registrirani u 2023. godini koji nisu predali bilans stanja i bilans uspjeha mogu predati potvrdu sa pečatom FIA da nije bilo promjena na računu (original ili ovjeren preslik);

9. Plan rada za 2024. godinu;

10. Dokazi o realiziranim projektima (Potvrda za najmanje tri prethodno realizirana projekta)

Dodatna dokumentacija za krovna nacionalna kulturna društva:

11. Ugovori, odluke i sporazumi o sufinanciranju predmetnog projekta (preslik);

12. Potpisan sporazum o međusobnoj suradnji između nacionalnih kulturnih društava (preslik);

13. Potvrda o sudjelovanju sudionika u projektu ili drugi pisani dokazi o uspostavljanju suradnje (preslik).

Dodatna dokumentacija za matice:

11. Ugovori, odluke i sporazumi o sufinanciranju predmetnog projekta (preslik);

12. Dokaz da matica djeluje dulje od 20 godina (preslik);

13. Sporazumi o suradnji s najmanje tri institucije izvan Bosne i Hercegovine (preslik);

14. Dokaz da matica realizira najmanje tri trajna projekta (preslik);

15. Dokaz da je matica članica najmanje jedne Europske asocijacije, festivala ili drugih srodnih programa (preslik);

16. Potvrda o sudjelovanju sudionika u projektu ili drugi pisani dokazi o uspostavljanju suradnje (preslik).

Obvezna i dodatna dokumentacija dostavlja se numerirana istim slijedom kako je gore navedeno i mora biti spiralno uvezana.

Aplikant je obavezan napraviti spisak dokumentacije koju je priložio uz aplikacijski obrazac.

V Obavještenje aplikantima

O rezultatima javnog poziva aplikanti će biti obaviješteni putem zvanične stranice mrežne Ministarstva www.fmks.gov.ba u roku od 30 dana od dana zatvaranja Javnog poziva.

VI Dostavljanje dokumentacije

Prijave s odgovarajućom dokumentacijom šalju se isključivo poštom na adresu:

Federalno ministarstvo kulture i sporta-Federalno ministarstvo kulture i športa

Obala Maka Dizdara 2

71 000 Sarajevo

Na kuverti obvezno naznačiti:

NE OTVARAJ - PRIJAVA NA JAVNI POZIV „Kulturna društva i druge institucije“

Na poleđini kuverte (ovjerene pečatom podnositelja prijave) obvezno navesti:

- naziv podnositelja prijave
- adresu i kontakt telefon

Krajnji rok za dostavljanje prijave je 22. 7. 2024. godine, odnosno prihvatit će se prijave koje imaju poštanski pečat najkasnije sa navedenim datumom.